



<County: Lancashire>

<Code: L0451>

<MS reference: Preston, Lancashire County Record Office, DDpt 24 (1434)>

<Text: Award>

Thys endentur~ bers wytnes that Alan of Cundclyf on~ ye tone party and Ric~ the Hunt~ on~ the
tother party arn~ sworne on~ a boke ayther
party to abyde and performe the ordinaunce and ye awarde of John Talbot of Salebery sqwyer of alle
man~ of accionns qwerels
debates and demaundes both anendes land and alle other mewet or to be+mewet be-twene ye sayde
Alan and ye sayde
Ric~ fro ye begynyng of ye worde vn~-to ye day of ye makyng of yis endentur~ The sayde John
demes and awardes ye sayde Alan
and ye sayde Ric~ to be full frendes and trw acorde on~ ayther party fully to be keppt<?> also ye
sayde John demys & awardes the sayd
Ric~ to deliuer to ye sayde Alan alle ye dedys and ye minimentes which wern~ be-fore awardyt to
be deliuert Also the sayde
John Awardes ye sayde Alan to pay or make to be payit gyf hit be dwly askyt to ye sayde Ric~ or his
certan Attorn~ ix Marke
wyth-in the fyrst ix 3er~ aftur ye d<ill>...</ill> of ye makyng of yis endentur~ that is to wytte at iche
fest of Sant Martyn~ in wynter
xiiij *sn* and iiij d tyll ye sayde Ric~ be fully payit of ye sayd <ill><1-2 words></ill> Marke so that ye
sayd Ric~ trw a-corde kepe on~ his party in the
forme be-foresayde Gyfyn at Salebery ye fyrst day of Octob~ the 3er~ of our~ lorde M^l cccc xxxiiij^{ti}